ديوان رار الم

^{شر} نصر سلیمان



بطاقة فهرسة

حقوق الطبع محفوظة للمؤلف

مكتبة جزيرة الورد

اسم الكتاب: ديوان بحبك يارب

المسولف: نصر سليمان

رقم الايداع ٢٠١٧/٩٨١٣

الترقيم الدولي / ٥-٨٩-٥٦٥٣-٩٧٧

الطبعة الأولى ٢٠١٧





■■ بحبلهٔ یارب

(1) بنورك يارب بحبك يارب واسبح بحمدك وباشتاق لودك بيغمرني عطفك ويحفظني لطفك بنورك يارب بحبك يارب **(Y)** يارب حبك مطلبي

هداني ليك نور النب*ي* هدانا للايمان

والعدل والاحسان

على هديه

حبيتك

وبقلبي لبيتك

بنورك يارب

بحبك يارب

(٣)

انت الملاذ

والحمي

في دنيا غادره

وظالمه

الشر فيها

طوفان

نجينا بالقرآن يارب يا رحمن ثبتنا بالايمان يارب نور محبتك يفيض علينا برحمتك بنورك يارب بحبك يارب

(٤)

يارب أملي رضاك وأعيش في ظل حماك لا قلبي يوم ينساك

ديوان... بحبك يارب

ولا يفارقني هداك دايما يارب معايا عفوك في كل دعايا يارب نورمحبتك يفيض علينا برحمتك بنورك يارب

بحبك يارب



■■ أحب رحمنلة

کل شئ وسعته رحمتك بالمؤمنين رؤوف يسبحون قدرتك رحيم ... ودود غفور ... كلمتك الكون ب "كن رهن مشيئتك أحبك الهي أحب رحمتك



■■أجمل حقيقة في قلبي

(1) أنتي و حبي أجمل حقيقة صاحبت دربي وسكنت قلبى **(Y)** أنتي و حنانك شهدك ... كلامك أجمل ما يسعد روحي و قلبي (٣) حبك ... همسك

روحك ... شمسك أصدق ما شفت

وعشت بقلبي

(٤)

أنتي الحبيبة في دنيا غريبة أنتي القريبة لروحي و قلبي

. . .



■■ أحلى غنويا..

دايما قلبك

ويايا

روحك

أحلى غنويا

غناها قلبي

معايا

رددها الطير

في سمايا

...

كلامك

نبع حنان

والنظرة

شط أمان واللمسه فيض احساس والهمسه قمر وناس دايما قلبك ويايا روحك أحلى غنويا غناها قلبي معايا رددها الطير في سمايا

Soco S

افره جناحكً

(1)

افرد جناحك واعشق بروحك الفضا

> وخلي قلبك يحب حبك والرضا

الامس عدى عيش النهارده ديوان... بحبك يارب ___

واحلم لبكره باحلى فكره تضمنا

وفي لحظة ربي قادر يحقق حلمنا

(٢)

افرد سماحك واطوي جراحك

> انسي آهاتك وعيش حياتك

ديوان... بحبك يارب

حب الناس حب الاخلاص

> واحلم لبكره باحلى فكره تضمنا

> > و في لحظة ربي قادر يحقق حلمنا



■■ |قرب من وريدي

من وريدي اناجيه

اقرب

ياخد بايدي

نوره

يهدي القلوب

رحمن

غافر ذنوب

• • •

فضله وغفرانه

الجنه باحسانه

بعفوه يكرمنا

يارب اقبلنا

•••

في ليلة الاحسان يارب يا رحمن املنا في الغفران والعفو في رمضان

...

ليلة

ملايكة ونور

الخير

في قلوبنا يدور البركه عنوانها

والسلم يغشاها

الخير في زمانها

والعفو بشراها



■■ السهاح منکع

(1) السماح منكم قلبي لسه عندكم لا أقادر أعيش من غيره ولاليا قلب غيره وهو داب عندكم السماح منكم **(Y)** السماح

ديوان... بحبك يارب

بسمه حلوه

للفؤاد

السماح

نجمة طاله

بالوداد

السماح

قمره ... نسمه

السماح

أحلى همسه

السماح منكم

قلبي لسه عندكم

(٣)

السماح

يكفي قلبي

السماح

هو حبي واللي را ح منا يكفي يكفي حزني يكفي أسفي النهادرة هو احنا لما بالحب فرحنا تفرح الدنيا معانا والهنا ينور سمانا والسماح منكم قلبي جابني عندكم



■■ القلب البخيل

(1) القلب البخيل لابيعرف يحب ولا يقدر يميل القلب البخيل لا عمره يحن وضيه قليل **(Y)** القلب الاناني وهبته حناني والود وزماني اتنكر لودي

وبهجره رماني ده القلب البخيل لا بيعرف يحب ولا يقدر يميل القلب البخيل لا عمره يحن وضيه قليل

(٣)

القلب المتعالي حيآسي الليالي لا عمري اسامحه ولا يوم أنسى جرحه حاسيبه لوحده من كبره يعاني

وما يخطر ببالي القلب الاناني ده القلب البخيل لا بيعرف يحب ولا يقدر يميل القلب البخيل لا عمره يحن وضيه قليل



■■ القلب ساجد

القلب لربه ساجد عايش بحبه حامد لايعرف القسوه ولا هو قلب جاحد دايما نابض بذكره شاكر للرب عابد في القلب جنينة نور فيها المحبة تدور وتنشر الرحمه

— ديوان... بحبڪ يارب

كعطر احلى

زهور

ده القلب

لربه ساجد

عايش بحبه

حامد



■■ القلب عيده

القلب عيده

لما يرضى عليه

حبييه

خاشع لربه

بيحب حبه

راضي

بنصيبه

•••

العمر يجري

والدنيا تلهي

والقلب شوقه

رضا حبيبه

— ديوان... بحبڪ يارب

...

الدنيا رحله

تشقى ... وتحلى

لكن مناه

جنه حبيبه



■■ الله ربي

الله ربي نور هداه يضوي في قلبي محمد نبي حبيب الله هداني لربي باسمع نداه وماشي في دربه قلبي في صلاه نابض بحبه هو الشفيع كرمه ربه

--- ديوان... بحبك يارب

أملى رضاه ووده وقربه نفسي اشوفه بروحي وقلبي ويكون لقاه رحمة ربي



= النور

خالق الجمال النور رب الفلوب غفور على عباده يحب عبده شكور في رضاه جنه وحور وكله في الكتاب مسطور



■■ الودود

رحمته من غير حدود يغفر الذنب الودود هو رب*ي* رب الوجود يحب عبده لمايعود التوبه.. رحمه والاخلاص سجود لمشيئة الرحمن والملايكه شهود

باب جنته رضاه الواحد المعبود



■■ اليسر

إلى القلب المرهف أكتب:

...

(1)

اليسر

خير ومحبة

و نور

يضم أحبة

ينزع همومهم

وآلامهم

ويحط في قلوبهم

وردة

ديوان... بحبك يارب —

(Y)

اليسر

شئ رباني

رددته أنا

بلساني

وبقلبي

والروح

الساجدة

...

(٣)

اليسر

أملي

ومذهبي

بشرني بيه

سيدنا النبي

يملي حياتي

رضا

ويخلي شمعاتي

قايدة



■■ أنده عليكً يا قلبي

انده عليك

يا قلبي

تايه في العتمة

دربي

العمر منا شارد

والحب بينا جاحد

والذنب هو ذنبي

. . .

انده عليك

يا قمري

ما بقاش كتير

في عمري

تعالى وعيش

في قلبي

وعيش معايا

حبي

...

ان کان

فيه عمر فات

ومرارة ذكريات

تعالى

نخلي يومنا

جنينة ورد حلوه

نحضن

في كل لحظة

نبض الوداد

في غنوه

تحكى لنا عن هوانا

عن شوقنا ... عن هنانا ونقول للدنيا احنا حبينا بنبض روحنا وشقينا كتير ولكن سامحنا اللي جرحنا ده احنا عي طول حبايب في القرب ... وهو غايب تجمع قلوبنا نبضه و شوق هوانا ومضه تنور الليالي والعمر معاك يا غالي بيمرزي لحظه



■ بالحسنۍ

بالحسنى أمرنا ربي بالحسنى يعيشها قلبي بالحسنى انطفئ ذنبي والنور حبيبي في دربي

الدين في الأرض

متين

واليسر من روح

الدين

والرب رب كريم

يارب ارحمنا ... آمين



■■ بٺدبيني

(١)

بتحبيني ...سامحيني وبالمحبة عاتبيني لايهون عليا جرحك ولا انتي حتجرحيني عاتبيني ... سامحيني **(Y)** انا قلبي مسامحك وان آلمني جرحك ده انتي الحبيبة وانا حبيبك وفي الجراح

قلبي طبيبك

بتحبيني ...سامحيني

وبالمحبة عاتبيني

(٣)

لو كان فيه فراق حيبقى الحب بينا حيعيش قلبي مشتاق ليوم يجمع ما بينا بتحبيني ...سامحيني وبالمحبة عاتبيني لا يهون عليا جرحك ولا انتي حتجرحيني عاتبيني ... سامحيني



■■ بذانه الصدور.

بذات الصدور ربي عليم بسر النوايا بصير حكيم لطيف بعبده نور كريم احبك ربي عفو رحيم

■■ بنٺ قلبي

(1) يا بنت قلبي من كتر حبي باحس انك تملي جنبي باشوف بعينك واحس قلبك افرح لفرحك واشقى لحزنك واتمني عمري أعيشه جنبك في حضن حبي

يا بنت قلبي

(Y)

يا بنت عمري قسمتي .. وبدري من يوم ما شفتك الدنيا أحلى واليوم معاكي بقي عندي أغلى واتمني عمري اعيشه جنبك في حضن حبي يا بنت قلبي



■■ نجلک ربی

(1) تجلي ربي فسجد قلبي وسمت روحي واهتدي ليا دربي **(Y)** كتمت دمعي في قلبي ناجيت في الدجي ربي أغثني من دجي همي وللحسني

بدل ليا ذنبي

(٣)

برحمتك وغفرانك باكرامك واحسانك تقبلني وارحمني وبالحسني تعاملني فأنت الكريم وأنا عبدك وأنت المرتجي وودك هو المبتغي لقلبي يارب اقبلني واغفر ليا ذبني



■■ نخلی قلبي

تخلى قلبى عمن سواك تعلق نبضي بفيض رضاك احبك ربي تجلى ضياك احب نبيك نور هداك نور المحية نال رضاك وهبته الشفاعة يوم لقاك



■■ نعبث من غربني...

(۱) تعبت من غربتي تعبت من وحدتي كل الصحاب حواليا ما قدروا يملوا عليا لا قلبي و لا دنيتي تعبت من غربتي

صبح من كدب العيون زيف الضماير والظنون وقلوب تحب

تخون بجنون ووشوش باشوفها بالف لون تعبت من غربتي تعبت من وحدتي كل الصحاب حواليا ما قدروا يملوا عليا لا قلبي ولا دنيتي

> تعبت من آهه لسه في قلبي مكتومه تعبت من أحلام تصحا تيبات محرومه روحي حيرانه

(٣)

بقالها سنين والقلب في الغربة وحيد وحزين تعبت من غربتي تعبت من وحدتي كل الصحاب حواليا ما قدروا يملوا عليا لا قلب*ي* و لا دنيتي تعبت من غربتي



■■ نوعدینی...

توعديني نبقى واحد قلب واحد مهما كان توعديني بالمحبة بالتفاهم والحنان صدقيني قلبي طاير قلبي حاير من زمان

توعديني تبقي شطي تبقي خطي على الدوام

تفهميني من سكاتي تبقي ذاتي من غير ملام اعذريني قلبي حالم قلبي هايم مع أحلام



■■ جردنني دمعني

(1)

جرحتني دمعتي
وتاهت خطوتي
في ظلمي وظلمتي
وعصتني كلمتي
ما بقاش حدليا
غير جرحي وغربتي
جرحتني دمعتي

(Y)

ان كان فيه شئ فاضلي ان كان فيه شئ يكون لي هو قلبي محبيتي

ومرارة غربتي ما بقاش حد ليا غير جرحي وقسمتي جرحتني دمعتي

(٣)

العمر كله راح ما بين بكى وجراح والحلم اللي عايش بيه لا بيهدى ولا بارتاح ما بقاش حد ليا غير جرحي وغربتي جرحتني دمعتي

(٤)

يارب بين رحمتك قلبي قادر تنور بالهدى دربي

وتمسح دمعتي بحبك وتهدي خطوتي لدربك وتفرح بالرضا روحي ويعيش القلب على عهدك ما بقاش حد ليا غير رب الدنيا ديه هو اللي بيسامح وبعفوه اتصالح مع كل الدنيا ديه تنور خطوتي تبدد غربتي وارضى بقسمتي وتفرح دمعتي



■■ حبك خلاني واحد ناني

(1)

حبك خلاني واحد تاني حاسسني بأسمى معاني عرفني احب كل الناس واعيش حبي بالاخلاص حبك نورلي الدنيا

حياة تانية

حبك خلاني

واحد تاني

حاسسني

باحلي معاني

. . .

(Y)

حبك عيشني

معنى الوفاء

حب العطاء

حب الفداء

حبك فرحني

بعد جراح

نساني

مرارة

عمر راح علمني احب السماح حبك نورلي الدنيا عيشني حياة تانيه حبك خلاني واحد تاني حاسسني بأرق معاني



■■ حبيب الله

حبيب الله المحبه جمعت أحبه في نور هداك رسول الله أحبك أحب من يحب ضياك ده نورك يحيى قلوب عاشقة خطاك من غير ما اشوفك

حبيتك قلبي يراك في كل رحمة وكل خير ربي حباك قلبي يصلي عليك وروحي مع ذكراك أنت الامين قلبك رحيم في كل دعاك أنت الحبيب يجمعنا ربي

تحت لواك



■ حبین حبیبلهٔ

حبيت حبيبك ونور هداه في يمينه هدتني اليه ونور الشمس في جبينه يا باب اليسر والاحسان دعيت بالحسني للرحمن يا باب الخير

والغفران

لكل الكون

والإنسان

...

يا باب الرحمة

للامه

بنور الحق

والكلمه

كشفت الليل

و الغمه

وبالحكمه

جمعت حواليك

الأمه



■ دنیا جدیدة .

(1) في قلبي حب وحبيبة هداني لدنيا جليلة بعد أيامي الصعيبة صحا احلامي البعيدة خلي ليا أغلى شئ في الدنيا ديه حب صافي

قلب دافي اخاف عليه ويحس بيا

(Y)

جاني حبك بعد غربة وشوق لبكرة جاني قلبك بالمحبة واحلى فكرة أنسى جرحي وكل ذكرى تدمي قلبي واعيش لحبي اعيش لبكرة

حبي هو

الدنيا ديه

اغلى عندي

من عينيه

حب صافي

قلب وافي

اخاف عليه

ويحس بيا

(٣)

حبك .. ده حلم

عايش جوايا

في عز ليلي

فضل هناك ويايا

نستنا بدرك

في سمايا

ولما شفتك روحي عشقت وقلبي حبك حب صافي ود دافي أغلى عندي من عينيه اخاف عليه ويحس بيا



■■ ردماك ربي

رحماك ربي اهدي لي دربي اغفر لي ذنبي نور لي قلبي فرج لي كربي ظللني دوما بحماك يا ربي

. . .



■■ رضاً إللَّه..

(1) رضا الله هو المني للقلب هو المرتجي يملاه سكينه ورضا مهما يعاني من شقى نور الاله هو الهدي

واليه يكون

المنتهي

یا سعد

من نال الرضا

في الدنيا

وفي يوم اللقا

(Y)

رضا الاله

طوق النجاه

دنیا و دین

للمؤمنين

الصابرين

المحسنين

التائبين

هو الرحيم

رب القلوب

يفرح بعبده

لمايتوب

نور الآله

هو الهدي

واليه يكون

المنتهي

یا سعد

من نال الرضا

في الدنيا

وفي يوم اللقا

(٣)

يارب انعم

بالرضا

على القلوب المؤمنه

نور قلوبهم بالهدي

واجعلها بيه مطمنه

ومهما كانت من ذنوب

التوبة تسعد القلوب

ربي كريم

من غير حدود

ربي حليم

ربي ودود

نور الاله

هو الهدي

واليه يكون

المنتهي

ديوان... بحبڪ يارب —

یا سعد

من نال الرضا

في الدنيا

وفي يوم اللقا



■■ روحي شايفكي

روحي شيفاكي..

قلبي وياكي..

ونسمتك هلت

بالفرح يا ملاكي

....

قلبك بيندهلي

تعالى ويايا

دنيتك هيه

في القلب

دنيايا

وأنا بأغنيلك

يا حبي

یا منایا

روحي

شيفاكي

قلبي وياكي

ونسمتك هلت

بالفرح ياملاكي

. . .



■■ طاقة نور

(١) افتح لقلبك طاقة نور خليه يحس يثور على كل زيف وضلال وغرور على كل كدب وكلمة زور افتح لقلبك

طاقة نور

..

(Y)

ليه يضيع

من قلبك

حلمك

ليه في قلبك

تكتم همك

ليه تعيش العمر

في ندمك

فارق الأحزان

وجدد الحياة

بأملك

وافتح لقلبك

طاقة نور

ديوان... بحبك يارب

خليه يحس

يحب

يثور

..

(٣)

لا عمريوم

الدنيا

دام لها حال

ولاعمر

دام الليل

وان طال

عيش لبكره

واعشق نهارك

وببحر خيرك

حتطفي نارك

وافتح لقلبك طاقة نور خليه يحس يحب يثور

. .



هـ فا بك أمي عني

من غير وداع غابت أمي عني قلبي غاب وضاع هرب الدم مني جريت عليها بقلب يتيم لقيت فراغ وجرح أليم كانت ملاذي حضن الامان مهما تآسي نبع الحنان

كانت تحس بنظرة و همس تمسح بعينها حزني و ألمي ما هي أمي عايشة في دمي



■■ فد|کي روحي

(1) فداكي روحي فداكي قلبي جاتني الحياة مادمتي جنبي **(Y)** مهما أقول واحكي عن حبي نبع المحبة بيجري في قلبي فداكي روحي فداكي قلبي

جاتني الحياة مادمتي جنبي

(٣)

انا روحي حبيتك وعينيه عشقتك ومهما يقولوا عني بأحب محبتك فداكي روحي فداكي قلبي خاتني الحياة مادمتي جنبي



■■ في حضن أمي

(1) في حضن أمي باشكي لها همي تحس بيا يدوب في ثانية والأمل يملا عينيه (٢) في حضن أمي ود وسكينه ورد الجنينة وحاجات كتيره بأحس بيها

ما أقدرش اعبر وليه ..أفكر ده حضن أمي عمري ودمي بأشكي لها همي تحس بيا يدوب في ثانيه والأمل يملا عينيه

(٣)

في حضن أمي بيجري دمي بيني وبينها يروي حنينها ويدفي قلبي في حضن امي أشكى لها همي

تحس بيا يدوب في ثانية والأمل يملا عينيه

(٤)

ده حضن أمي هو الحياة طوق النجاة من غيره أتوه في الدنيا ديه أشكى له همي تحس بيه أدوب في ثانيه والأمل يملا عينيه في حضن أمي في حضن أمي



■■ في يوم العيد

في يوم عيدها شدا لها:

...

في يوم العيد

ناديتني

بحسنها

...حورية

شدتني بسمتها

ورقة قلبها

...في ثانية

فكرت اهاديها

و أعبرع اللي جويا

باتمنى ألقيها

ديوان... بحبك يارب

عایشه دنیایا فکرت فی هدیة شمعه بیضا ورده حمرا منوره صفرا منورة ندیة بسمة حلوه وروح وفیه

_ _ _



■■ قلب حامد

قلب لربه حامد في نور حبه عابد والدنيا مهما تعانده وقلبه صبور زاهد مشتاق لعفو ربه والنبض له ساجد مشتاق الرضا عمره ما كان جاحد

Source S

■■ قلبي حزين

(1)

أنا قلبي

حزين ..حزين

بيبكي أنين

لاقادر يخبى

وخنقه حنين

(Y)

لا اقادر يسامح

ينسى .. يصالح

ولا اقادر يفوتكم

ويهجر حياتكم

ده قلبي حزين

بيبكي أنين

لا قادر يخبي

وخنقه حنين

(٣)

قلبي بيعصاني

معاكوا ينساني

انتو عليه بتأسوا

وانا عايش لاحزاني

ده انا

قلبي حزين

بيبكي أنين

لا قادر يخبي

وخنقه حنين



■■ قلبي طير

(1) قلبي طير هايم حواليكي وروحي نسمة بتغني ليكي غنوة حلوة مشتاقة ليكي روحي دايما قريبة منك تحكي عني وتحكي عنك

قلبي مشتاق

اليكي

ملهوفة الروح عليكي

العين بتبكي فراقك

ووحشها ضي عينيكي

روحي دايما

قريبة منك

تحكي عني

وتحكي عنك

(T)

باحلم ب لقانا

على طول

وفراقنا ليه

بس يطول

ديوان... بحبك يارب

ليه مننا

يضيع عمرنا

بين اشتياقنا

وصبرنا

روحي دايما

قريبة منك

تحكي عني

وتحكي عنك

. . .



■■ كنير بننااقى

(1)

كتير كتير بنتلاقى من غير ما أشوفك روحي تطير مشتاقه تناجي طيفك تخدني ليك أحس بيك نظرة عينيك لمسة ايديك باحس بيك واحن ليك واعيش معاك

ديوان... بحبك يارب

أجمل حكايه بدأت معايا من غير نهايه

(Y)

باحس بيك رغم البعاد والشوق اليك في قلبي زاد ده حبي نور حواليك يدور يحس بيك يغني ليك يفرح غنانا بأجمل حكايه بدأت معانا من غير نهايه

■■ للعالمين

للعالمين .. أنت بشرى بالعالمين .. جئت رحمه بنور الخير تسعى فانهزمت كل ظلمه أنت النبي الشفيع رؤوف بخير أمه حباك القادر كمالا نورا للهدى كلمه فجئت للعالمين بدعوة خير تامه





■■ ما ٺلوموش

(1) ما تلوموش عليا ما تلوموش وتجرحوا قلبي ده اللي حب قلبي وروحي ليه بتفرحكم جروحي ما تلوموش عليا ما تلوموش

وتجرحوا قلبي

(Y)

كنتوا فين

لما قلبي

اشتكى

كنتوا فين

لما قلبي

بک*ی*

دلوقتي ليه

بتلوموا عليا

انتوا امتى

حاستوا بيا

ما تلوموش عليا

حبي

ما تلوموش

وتجرحوا قلبي

(٣)

قلبي خلاص عايز يرتاح عايز ينساكم ويطوي جراح قلبي في البحر سفينه عايز أمان شط سكينه ما تلوموش عليا ما تلوموش وتجرحوا قلبي



■■ مدبه القلوب

المحبه يلهمها ربي للقلوب للنور هدايه والطيبه ليها دروب والروح شفافه مشتاقه للمحبوب

Sold.

■■ نفسي في حاجات كنير

(1) نفسي في حاجات كتير مش فارس ولا أمير نفسي في سماكي أطير أسطورة من أساطير **(Y)** نفسى أغمض عينيه وأبعدعن الدنيا ديه

وما حد يبقى معايا

غير حبك

عايشه جوايا

نفسي في

حاجات كتير

مش فارس

ولا أمير

نفسي في

سماكي اطير

اسطوره من أساطير

(٣)

نفسي .. نفسي

بس آه من أمسي

نفسي انسى

عمر فات

واعيش لبكره بفرح آت نفسي أغني للحياه معاكي وأعيش حياه تانية وياكى نفسي في حاجات كتير مش فارس ولا أمير نفسي في سماكي أطير أسطوره من أساطير



■■ نور أحلاملةً

قلبي لما شاف حنانك طير مهاجر حب زمانك فرد جناحه حضن أغصانك عشق ودادك ورد كلامك عشق مكانك نور أحلامك



■■ نور بدرك [الدب ... حياة]

(1)

نور بدرك فارق سماه وعشقني والحب حياه سكن فؤادي عشق ودادي اديته عمري و روحي معاه عاشقه بكل جنون ومعاه الصعب يهون طاير بقلب حنون

ديوان... بحبك يارب ___

حاسس بحب الكون

(Y)

غنيت لنورك أغنية كلها حب و حنيه وحلم بكره وهوانا ساكن في قلبي و عينيه عاشقك بكل جنون ومعاك الصعب يهون طاير بقلب حنون حاسس بحب الكون

(٣)

نورك في قلبي بيرسم لينا دنيا جميلة و أحلى ما فينا

ديوان... بحبك يارب

حب و حنان حضن الامان عاشقك بكل جنون ومعاك الصعب يهون طاير بقلب حنون حاسس بحب الكون

..



■■ نور قلبك

(1) نور قلبك نور دنيتي وبحبك حبيت قسمتي وعرفت أنسى واتسامح مع دنيا وجراح امبارح ده معاک*ي* فارقتني آلامي والفرحة

عاشت أيامي والقلب العاشق بيغني لهواكي يا بنت أحلامي

(Y)

يوم ما شفتك إخضر حلمي ولما عرفتك سبقني أملي وقلبي عشقك عشت عمري أنتي بدري أنتي قدري ده معاکي

فارقتني آلامي والفرحة عاشت أيامي والقلب العاشق بيغني لهواكي يا بنت أحلامي

...



■■ یا بنت النور

(١) يا بنت النور في نورك النجوم بتدور وعطرك دا ب في كل زهور وسحرك قلبي فيه مسحور **(Y)** جمالك

في سمايا وسحرك للجمال آيه في قلبي صوره وحكايه لبنت النور ليها طله حور تنور كل ايامي و قلبي بسحرها مسحور



■■ يارب سبحانك

(1) يارب سبحانك أملي في غفرانك اغفر ... وطهرنا للخير ... يسرنا يارب ... صبرنا راضين باقدرانا عفوك ... وغفرانك يارب ... سبحانك **(Y)** يارب إبراهيم ونبينا الكريم

اهدي خطاوينا وفي حصنك ... احمينا م الفتنة ... اعصمنا من فيضك ... الهمنا يارب صبرنا راضين باقدارنا عفوك ... وغفرانك يارب سبحانك

(٣)

مهما فاضت ذنوبنا عفوك بيحي قلوبنا ده انت اللي خالقنا والضعف مخلوق فينا التوبة اليك طريقنا يارب خد بايدينا

ديوان... بحبك يارب

حبك بيملي علينا

الدنيا .. وساكن فينا

نورك ونور نبينا

يارب إبراهيم

انت الحليم

وودود ورحيم

وبقلوبنا يارب عليم

يارب ارحمنا

راضين باقدارنا

عفوك ... وغفرانك

يارب ... سبحانك



الفهرس

o	باحبك يارب
٩	أحب رحمتك
١٠	أجمل حقيقة في قلبي
١٢	أحلى غنويا
١٤	افرد جناحك
١٧	اقرب من وريدي
١٩	السماح منكم
۲۲	القلب البخيل
۲٥	القلب ساجد
YV	القلب عيده
۲۹	الله ربي
٣٦	النورا
٣٢	الودود

— ديوان بحبڪ يارب

٣٤	اليسر
	أنده عليك يا قلبي
٤٠	بالحسني
٤١	بتحبيني
٤٣	بذات الصدور.
٤٤	بنت قلبي
٤٦	تجلى ربي
٤٨	تخلى قلبي
٤٩	تعبت من غربتي
۰۲	توعديني
٥ ٤	جرحتني دمعتي
٥٧	حبك خلاني واحدتاني
٦٠	حبيب الله
ነኛ	حبيت حبيبك
٦٤	دنيا جديدة

ارب	حبک ب	٠. ب	ديوان.
-----	-------	------	--------

رحماك ربي٨	٦٨
رضا الله	٦٩
روحي شايفكي	٧٤
طاقة نور	٧٦
غابت أمي عني	۸٠
فداکي روحي۲.	۸۲
في حضن أميفي حضن أمي	۸٤
في يوم العيد	۸٧
قلب حامد٩٠	۸٩
قلبي حزين	۹٠
قلبي طير	٩٢
كتير بنتلاقى٥١	۹٥
للعالمين	۹٧
ما تلوموشما تلوموش	٩٨
محبه القلوب	

	 ديوان بحبك يارب	
١٠٢.	 في حاجات كتير	نفسي
١٠٥	 علامك	نور أ-
۲۰۱	 رك (الحب حياة)	نور بد
1 • 9	 بك	نور قا
111	 ، النور	يا بنت
118	 سبحانك	يار <i>ب</i>
117	 س	الفهرء